

Pancratio, a dì 30, avanti dì. Scrive, in consonantia, voleno far fanti a Bozolo, che li danari saranno butà via. *Item*, si mandi presto danari per pagar le zente aziò non siegui etc.

Dil Governador zeneral, date a Santa Catarina, a dì 29, hore 3. Come monsignor di Lutrech non vol si fazi i fanti in visentina e padoana, ma vol fanti usadi e farli far in parmesana e a Bozolo, et si fazi 2000 di qua et 1000 dove par a la Signoria nostra; però aricorda non si resti a far l'efeto.

Di Vicenza, di sier Justinian Morexini savio di terra ferma, di 30, hore una di note. Come in quella matina era zonto lì, e stato con quel rector e deputati zercha il modo de far fanti, disseno aver zà cominzio et mandarli a far far, et è meglio scriverli tutti, et per darli danari, che sarà ducati uno per uno di sovenzion; et lanzoni, perchè non hanno, e se li meterà soldi 20 l'uno. Scrive, domino Lunardo Antonio e Zuan Batista da Porto si operano a questo efeto, et che non si potrà aver schiopetieri si non pochi, per esserne stà mandati di visentina 400 in campo in questi zorni. Scrive, li ducati 1000 fe' consignar al Camerlengo de li etc.

318 *Da poi disnar, fo Gran Consejo; fu il Principe.* Fo leto, per il Canzelier grando a notizia de tutti, le do parte prese eri nel Consejo di X, qual ho notade di sopra. *Item*, poi amonido tutti quelli hanno promesso l'imprestado vogliano andar a satisfar, *aliter*, pasado il termine, sarà mandà le leze ad execution.

Di campo, vene lettere dil provedador Griti, date, ut supra, a dì 30, hore 20. Coloquii con monsignor Gran scudier, et manda *lettere dil secretario di Milano, drizate ai Cai di X.* Scrive si mandi e provedi di vituarie per campo, perchè i nimici non atendono altro che non vengi vituarie in campo. *Item*, di 25 bote di vin fosse mandà a Lutrech, è venute *solum* 10, 8 di negro 2 di biancho; val lì in campo ducati 20 la bota il vino; aricorda si mandi altratante.

Dil dito, di 30, hore 22. Come il Governador, consultato col provedador Gradenigo, domino Janus e li altri, voria far, in questo mezo si fazi li fanti, la bataria da la porta di Calzari fin a la citadela, e saria far star i nimici in facende, e saria bon la Signoria scrivesse di questo a Lutrech. Scrive aver ricevuto li ducati 3000 dati per parte a li lanzinech; li 2000 salva per dar a' spagnuoli; et si provedi di danari.

Dil provedador Gradenigo, date a San Pancratio, a dì 30, hore 24. Com'è la conclusion, Lutrech vol quel da Bozolo fazi fanti, e cussì à terminato; *tamen* lui non sente etc.

Dil Governador zeneral, date a Santa Catarina, a dì 30, hore 3. Come voria far la bataria a la porta di Calzari fin in cao a la citadela; et scrive sopra questo, et manda a la Signoria domino Pompeo da Castione a justificarsi etc.

Noto. Per Colegio fo scritto in campo non li par far far altra bataria fin non sia fato i fanti.

A dì 30 Agosto.

318*

Scurtinio di Conte a Sibenico.

Sier Andrea Surian, fo provedador di stratioti, qu. sier Piero	16. 82
Sier Alexandro Querini qu. sier Iacomo, ducati 700 e il don.	47. 49
Sier Alvise Contarini, fo provedador a Pesin, qu. sier Lauro	12. 82
Sier Zuan Malipiero di sier Hironimo	18. 76
Sier Francesco Duodo, fo podestà e capitano a Bassan, qu. sier Lunardo, ducati 300 e il don	44. 53
† Sier Alvise Pizamano <i>el grando</i> , qu. sier Fantin, ducati 500 e il don, e li portò	68. 30
Sier Alexandro Zorzi, fo ai X Savii, qu. sier Tomà, ducati 400 e il don, e li portò	59. 38
Sier Zuan Paruta, fo patron in Fiandra, qu. sier Alvise, ducati 500 e il don	41. 55
Sier Hironimo Zustinian, fo conte a Curzola, qu. sier Marin, ducati 600 e il don	52. 44
Sier Hironimo da Canal, fo provedador sora i conti, di sier Antonio, ducati 300 e il don.	40. 57
Sier Sebastian Malipiero, fo consier a Corfù, qu. sier Andrea, ducati 500 e il don	36. 53
Sier Marco Antonio Contarini qu. sier Gasparo, da San Felise, ducati 600 e il don, e li portò	58. 34
Sier Andrea Erizo di sier Batista, ducati 500 e il don	45. 51

In Gran Consejo.

Conte a Sibenico.

† Sier Alvise Pixamano <i>el grando</i> , qu. sier Fantin, portò ducati 500 e il don.	565.220
---	---------